


LIBROS



A XACIA LUVIÑAS

Anxo Moure (autor);
Cristina Ouro (ilustracións)
Sotelo Blanco Edicións
Galego (25 páxinas), 2013
D.L.: C 1698-2013
ISBN: 978-84-7824-631-1


A editorial Sotelo Blanco acaba de editar un libro infantil "A Xacia Luviñas", unha fermosa historia dun barqueiro máis unha xacia "que a natureza sempre quixeron respectar e a paz conseguiron atopar". O texto atende continuamente ao coidado dos ríos e da súa contorna. O seu autor, Anxo Moure, é socio de ADEGA e quere contribuir ao desenvolvemento do Proxecto Ríos desta asociación ecoloxista, coa doazón do 1% das vendas deste libriño. O libro pódese mercar en librerías ou a través do Consorcio Editorial Galego. Se queredes investir na defensa dos ríos e gozar dunha magnífica obra, esta é unha boa ocasión.



EL MOSQUITERO IBÉRICO

Rodríguez Martínez N.,
García Fernández Nacho
e Copete J. L.
(Coordinadores)
Editorial Grupo Ibérico de
Anillamiento
Castelán (150 páx.), 2013
D.L.: LE-421-2013

Monografía que recolle as contribucións de distintos ornitólogos que estudaron o mosquiteiro ibérico. Desfilan así por estas páxinas os resultados de estudos de campo, especialmente os baseados en anelamento, a fenoloxía da especie, a súa biometría, o seu datado e distribución na Península ibérica, información sobre reprodución e muda en diferentes localidades ou como separalo do mosquiteiro común. Ademais inclúe unha tradución ao español do artigo orixinal de Lars Svensson publicado en *Bull BOC* onde propuxo un método para separar o ibérico do común mediante a combinación dunhas poucas medidas. A obra está ilustrada con moitas fotografías de Carlos González Bocos, tanto dos paxaros no campo como dos mosquiteiros en man. Tamén mostra paisaxes e hábitats ocupados pola especie ou algúns momentos da reunión que se celebrou en Riello, León, organizada polo GIA-León, xerme da obra publicada agora.



FRAGMENTACIÓN DEL PAISAJE EN EUROPA

Axencia Europea de Medio Ambiente
Editorial Ministerio de Agricultura, Alimentación y Medio Ambiente
Castelán (87 páx.), 2013
Prezo: 15 €
ISBN: 9788449112645

Este informe investiga en termos numéricos o grao de fragmentación da paisaxe de 28 países de Europa. Para iso, por primeira vez, utilízanse tres xeometrías de fragmentación distintas a tres niveis, nos que se inclúen países, rexións e unha rede de cuadrículas de 1 km² (a rede LEAC, destinada para actividades de contabilidade do solo e dos ecosistemas). O informe aplica o método da "densidade efectiva de malla", que cuantifica o grao no que as barreiras interrompen as posibilidades de desprazamento da fauna silvestre na paisaxe. A segunda parte do estudo investiga as posibles causas que contribúen ao aumento ou ao descenso do grao de fragmentación, determinando a súa importancia relativa.

LIGAZÓN


WWW.BIODIVERSIDADE.EU

"Biodiversidade Ameazada" é unha plataforma de traballo contra a degradación dos hábitats naturais de Galiza e o Norte de Portugal. Esta ferramenta servirá para estudar os desafíos que presenta este territorio e favorecer a creación de novas estratexias conxuntas de conservación, xestionadas desde ambos lados da fronteira.

Os obxectivos son dar conta desta situación de perigo, ter un rexistro de todas as especies en

risco e as súas ameazas, organizar grupos de traballo e iniciativas de conservación e acadar unha comunicación multidireccional.

Esta interesante iniciativa formula algunhas preguntas que serán abordadas durante o desenvolvemento do proxecto. Convidámoste a visitar o web e a participar deste traballo en común.




Esta Guía, promovida pola Asociación Véspera de Nada e financiada a través de "crowdfunding", presenta unha explicación das transformacións sociais que xa están en marcha e que van supoñer a fin da "Era da Abundancia e do

Crecemento", ao tempo que ofrece un amplo conxunto de recomendacións arredor do que podemos ir mudando cada un/unha de nós nos terreos da nosa economía, do consumo enerxético, do transporte, da alimentación, da saúde, da vivenda e da educación. O obxectivo non será só sobrevivirmos ao *Peak oil* ou teito do petróleo, senón construírmos unha Galiza que teña un futuro mellor despois do petróleo.

Máis info: <http://galiza.pospetroleo.com>

Video: <http://is.gd/videoGZposPetroleo>



'RECURSOS' CERNA PIDEA TÚA COLABORACIÓN

Se estás interesad@ en que divulguemos na revista galega de ecoloxía e medio ambiente Cerna algún libro, CD, revista, película, documental, etc, ponte en contacto con nós no seguinte enderezo electrónico; ramses@adega.info, indicando 'Recursos' Cerna.